



## ধানমন্ডি শাখার দু'জন কর্মকর্তার পুরস্কার অর্জন



প্রতিটি কাজে যে আগে চলে সে পথ দেখায়, সেই প্রথম চড়াই উড়াই পেরিয়ে অভিলেখ লক্ষ্যে পৌঁছায়। কষ্টের ফলও সে পায়। কষ্টের পর কাজিত পুরস্কার আনন্দকে বাড়িয়ে দেয় শতগুন। কাজের মধ্যে আনে গতি, আসে উদ্দামতা।

ব্যাংকের চলমান ক্যাম্পেইন “স্বাধীনতার মার্চ মাস, গ্রাহক সেবা বারো মাস - বৈশাখ মাসের প্রথম দিন, গ্রাহক সেবা প্রতিদিন” এর মাধ্যমে প্রধান কার্যালয় এবং শাখার সকল নির্বাহী কর্মকর্তা ও কর্মচারীর জন্য ক্যাম্পেইন চলাকালীন সময়ে প্রতি মাসে ন্যূনতম ২০টি করে হিসাব আনয়নের লক্ষ্যমাত্রা নির্ধারণ করা হয়েছিল।

এর আওতায় সর্বপ্রথম এসআইবিএল ধানমন্ডি শাখার কর্মকর্তাগণ সফলতার স্বাক্ষর রেখেছেন। ক্যাম্পেইন উদ্বোধনের অল্প সময়ের মধ্যেই ধানমন্ডি শাখার দুই কর্মকর্তা জনাব মোহাম্মদ কায়ছার আলী ২১টি ও মিসেস. ফারহানা রাজ্জাক ২৩টি হিসাব খুলতে সক্ষম হয়েছেন।

তাদের এই অর্জনের স্বীকৃতি স্বরূপ ব্যাংকের পক্ষ থেকে তাদের লাল গোলাপ শুভেচ্ছা এবং উপহার প্রদানের মাধ্যমে অভিনন্দিত করা হয়।



ব্যাংকের উপ-ব্যবস্থাপনা পরিচালক জনাব এ.এম.এম. ফরহাদ ধানমন্ডি শাখায় গিয়ে তাদের হাতে পুরস্কার তুলে দেন।



উপ-ব্যবস্থাপনা পরিচালক জনাব এ.এম.এম. ফরহাদ বলেন, আমরা আশা করব প্রত্যেকেই তাদের লক্ষ্যমাত্রা পূরণের মাধ্যমে পুরস্কার অর্জনে সচেষ্ট থাকবে। তিনি বলেন, প্রথম মাসে যারা নির্ধারিত লক্ষ্যমাত্রা অর্জনে সক্ষম হবে তাদের জন্য থাকবে গিফট হ্যাম্পার, আর পরের মাসে তারা যদি পুনরায় লক্ষ্যমাত্রা পূরণে সক্ষম হয় তারা তখন পাবে গিফট বাম্পার। সুতরাং সকলকে এগিয়ে আসতে সেই সাথে ব্যাংককে এগিয়ে নিতে আহবান জানান তিনি।



পুরস্কার শুধু কাজের স্বীকৃতি নয়, এই স্বীকৃতি পুরস্কার যে পেয়েছে তাকে এবং অন্য যারা কাজ করছে তাদের সকলের কর্ম উদ্বীপনা বাড়ায়। যারা পুরস্কার পেয়েছে তারা আরো ভালো করতে আগ্রহী হয় আর যারা পুরস্কার পায়নি তারা পুরস্কার অর্জনের চেষ্টায় আরো বেশী যত্নবান হয়।

ব্যবস্থাপনা কর্তৃপক্ষ আশা করে ব্যাংকের প্রতিটি কর্মকর্তা কর্মচারী ক্যাম্পেইনের মাধ্যমে নির্ধারিত লক্ষ্যমাত্রা অর্জনের মাধ্যমে পুরস্কার প্রাপ্তি নিশ্চিত করবে।

পরিশেষে এই অর্জনের জন্য ধানমন্ডি শাখার ব্যবস্থাপকসহ শাখার সকলকে অভিনন্দন জানানো যাচ্ছে। সেই সাথে সকলকে আহবান জানাচ্ছি কাজিত লক্ষ্যমাত্রা অর্জনে পূর্ণ উদ্যোগে এগিয়ে যেতে।